



# "სასამართლოს საქმიანობის უმეფასეხელი საზოგადოება"

"შარშანდელთან შედარებით გაორმაგებულია სასამართლოში შემოსულ საქმეთა რაოდენობა, განსაკუთრებით, სამოქალაქო საქმეების რიცხვი. ეს კი, იმას ნიშნავს, რომ საზოგადოების სამართლებრივი დონე გაიზარდა და მათ აქვთ სასამართლოს ნდობა. შარშან ჩატარებული კვლევების მიხედვით, გამოკითხულთა 68 პროცენტი ენდობოდა სასამართლოს. სასამართლოს მომხმარებელთა გამოკითხვა ახლახანს - მაისის თვეში ჩატარდა და აღმოჩნდა, რომ სასამართლოს გადაწყვეტილებას სამართლიანად აფასებს და სასამართლოს ენდობა გამოკითხულთა 70 პროცენტი," - აცხადებს ქუთაისის საქალაქო სასამართლოს თავმჯდომარე ლევან თევზაძე, რომელთან ინტერვიუსაც ქვემოთ შემოგთავაზებთ.



**- ბატონო ლევან, სასამართლო რეფორმის ერთ-ერთი მიმართულება იყო, სასამართლოების გაერთიანება - შეიქმნა ქუთაისის გაერთიანებული სასამართლო. რას გულისხმობს სასამართლოების გაერთიანება და რა შედეგი მოჰყვა ამ სტრუქტურულ ცვლილებებს?**

- საქმეთა დროული განხილვა და მართლმსაჯულების ხელშეწყობა იყო ის ძირითადი ფაქტორები, რამაც განაპირობა მაგისტრატის მოსამართლის ინსტიტუტის ჩამოყალიბება, რომელიც უზრუნველყოფს ადამიანის კონსტიტუციური უფლებების შეზღუდვასთან დაკავშირებული საკითხების დროულ განხილვას, ადმინისტრაციულ და სამოქალაქო კატეგორიის ნაკლებად რთული საქმეების გადაწყვეტას. მაგისტრატის მოსამართლეების სისტემა შედის დიდი, გაერთიანებული სასამართლოების იურისდიქციისა და წარმოადგენს სასამართლო ხელისუფლებას იმ ადმინისტრაციულ-ტერიტორიულ ერთეულში, სადაც არ არსებობს გაერთიანებული რაიონული (საქალაქო) სასამართლოები. ჩვენს შემთხვევაში, იუსტიციის უმაღლესი საბჭოს გადაწყვეტილებით, 2010 წლის 22 სექტემბრიდან ტყიბულის, წყალტუბოს და ბაღდათის რაიონული სასამართლოები გახდნენ მაგისტრატის სასამართლოები და გაერთიანდნენ ქუთაისის საქალაქო სასამართლოში. ყოველივე ამან კი, განაპირობა სასამართლოში არსებული დავების სწრაფად, ეფექტურად და ხარისხიანად განხილვა. ამასთან, ქუთაისის საქალაქო სასამართლოში მოსამართლეები საქმეებს განიხილავენ სპეციალიზაციის მიხედვით და მოსამართლის მხრიდან საქმის განხილვისას რაიმე შეცდომის დაშვების ალბათობა მინიმუმამდეა დაყვანილი.

**- როგორ ფუნქციონირებს მაგისტრატის სასამართლოები ბაღდათში, წყალტუბოსა და ტყიბულში. მოსახლეობის მომსახურების სერვისის გაუმჯობესების გარდა კიდევ რა ფუნქციები აქვს მათ და როგორი კატეგორიის საქმეებს განიხილავენ?**

- მაგისტრატის მოსამართლეები თავიანთ სამოქმედო ტერიტორიაზე განიხილავენ საქმეებს საპროცესო კანონმდებლობით განსაზღვრული უფლებამოსილების ფარგლებში, კერძოდ, სისხლის სამართლის საქმეებზე - ადამიანის უფლებების შეზღუდვასთან და იძულებითი ღონისძიებებთან დაკავშირებულ საგამომძიებო მოქმედებების კანონიერებას, აღკვეთი ღონისძიებებს, გამოძიებლის ან პროკურორის უკანონო ქმედებების გამო საჩივრებს;

რეზულ საგამომძიებო მოქმედებების კანონიერებას, აღკვეთი ღონისძიებებს, გამოძიებლის ან პროკურორის უკანონო ქმედებების გამო საჩივრებს;

სამოქალაქო სამართლის კუთხით - ქონებრივ დავებს, თუ სარჩელის ფასი არ აღემატება 2000 ლარს. უდავო და გამარტივებულ წარმოების საქმეებს, საოჯახო ურთიერთობიდან გამომდინარე დავებს, გარდა შეილად აყვანის, მშობლის უფლების ჩამორთმევის, მამობის დადგენის და ბავშვის მიკუთვნების თაობაზე წარმომადგენელი დავებისა;

ხოლო ადმინისტრაციული სამართლის კუთხით - ადმინისტრაციულ სამართალდარღვევებს. სახელმწიფო სოციალური დაცვის საკითხებს, აღსრულებასთან დაკავშირებით წარმოშობილ დავებს, საჯარო სამსახურში შრომით ურთიერთობიდან წარმოშობილ დავებს. მენარმის საქმიანობის შემთხვევების შესახებ მაკონტროლებელი ორგანოს შუამდგომლობებს ბრძანების გამოცემის თაობაზე. არანებაყოფლობით ფსიქიატრიული დახმარების მიზნით პირის სტაციონარში მოთავსების საკითხებს.

საქმეების განხილვის მსგავსა დიფერენცირებამ ხელი შეუწყო დავების სწრაფ და ეფექტურად გადაწყვეტას. შეიძლება ითქვას, რომ სასამართლოებში აღარ არის თვებით, წლობით განუხილველი საქმეები, უფრო მეტიც, ყველა კატეგორიის საქმეზე საქმეთა განხილვის ვადის საერთო მაჩვენებელი ერთ თვეში მერყეობს. სასამართლოში მოსულმა მოქალაქეებმა უკვე კარგად იციან, რომ მათ საქმეებს დროულად და ხარისხიანად განიხილავენ.

**- გარდა სასამართლოების გაერთიანებისა, საინტერესოა, რა ეტაპზეა ახლა რეფორმა ქუთაისის საქალაქო სასამართლოში და ამ პერიოდისთვის რა არის ყველაზე პრიორიტეტული შედეგები?**

- როგორც მოგეხსენებათ, 2008 წლიდან დაიწყო სასამართლო ხელისუფლებაში მიმდინარე რეფორმის პროცესი. რაც, მთელი რიგი პროგრესული ინიციატივებისა და პროექტების განხორციელებას ითვალისწინებს - მართლმსაჯულების დამოუკიდებლობის, საზოგადოებრივი ნდობისა და სამართლებრივი შედეგების ამაღლების კუთხით.

როგორც სასამართლოს მთელი სისტემა, ისევე, ქუთაისის სა-

ქალაქო სასამართლო მობილიზებულია, რომ თავისი წვლილი შეიტანოს სასამართლო რეფორმის წარმატებით განხორციელებაში. რეფორმის პირობები მიმდინარე და მზარდია, თითოეული ეტაპი საზოგადოებისა და ზოგადად, ქვეყანაში სამართლის განვითარებასთან დაკავშირებული. ამიტომაც, გეტყვი, რომ გვაქვს უზარმაზარი შედეგები, რასაც სასამართლოში შემოსვლისთანავე იგრძნობთ. გარკვეული ეტაპები დავასრულეთ და ვაგრძელებთ განვითარებას - ჩვენ ვიზრდებით და შესაბამისად, მიმდინარე პროცესებში ძალზე აქტიურად ვართ ჩაბმული.

სარეფორმო ცვლილებების ჩამოთვლა ახლა ძალიან ძნელია, იმიტომ, რომ უზარმაზარი სამუშაოები ჩატარდა, რის გამოც, მივიღეთ სრულყოფილი, სწრაფი, ეფექტური და, რაც ყველაზე მთავარია, ყველასთვის ხელმისაწვდომი მართლმსაჯულება.

**- ბატონო ლევან, ძალზე ხშირად გამოითქმის პრეტენზიები მოსამართლეთა კვალიფიკაციის თაობაზე, როგორია თქვენი სასამართლოს მოსამართლეების კვალიფიკაციის ხარისხი? მით უმეტეს, ქუთაისის საქალაქო სასამართლოში ძირითადად, ახლად-დანიშნული მოსამართლეები საქმიანობენ.**

- ქუთაისის საქალაქო სასამართლოში მოსამართლეები მართლაც ახლადდანიშნულები არიან, მაგრამ სანამ მოსამართლეებად დაინიშნებოდნენ სრულყოფილი სპეციალური მომზადება გაიარეს იუსტიციის უმაღლეს სკოლაში და იქ მიღებულ მაღალი დონის ცოდნას სასამართლოში უკეთებენ რეალიზებას.

მოსამართლის კვალიფიკაციაზე პირველ რიგში, მათ მიერ განხილული საქმეების ხარისხით უნდა ვისაუბროთ. უნდა მოგახსენოთ, რომ ქუთაისის საქალაქო სასამართლოში დამთავრებულ საქმეთა რაოდენობიდან მხოლოდ 10 პროცენტი საჩივრდება ზემდგომ სასამართლო ინსტანციაში, სადაც, ჩვენს ხელთ არსებული სტატისტიკით, საქმეების უმეტესობა ძალაში რჩება, რაც მოსამართლეთა მაღალ პროფესიონალიზმზე და კვალიფიკაციაზე მიუთითებს.

გარდა ამისა, მოსამართლეთა პროფესიონალიზმს ადასტურებს ისიც, რომ წინა წლებთან შედარებით გაორმაგდა განსახილველ საქმეების მაჩვენებელი, რაც ასევე, პირდაპირაა დაკავშირებული საზოგადოების ნდობის ზრდასა

და სასამართლო რეფორმის წარმატებასთან.

**- სასამართლო სისტემის დამოუკიდებლობასთან დაკავშირებით პრეტენზიებს გამოთქვამენ საერთაშორისო ორგანიზაციები, აცხადებენ, რომ ქართული მართლმსაჯულება პოლიტიზირებულია, რომ დამოუკიდებლობის ხარისხი ძალზე დაბალია.**

- თამამად შემიძლია გითხრა, რომ მსგავსი მოსაზრება საფუძველს მოკლებულია, იმ მარტივი მიზეზის გამო, რომ მოსამართლის საქმიანობაში ჩარევა სამართლებრივი აქტებით დასჯადი ქმედებაა. ეს კანონი ჩვენმა მოსამართლეებმა ძალზე კარგად იციან და დამერწმუნეთ, ასეთი ფაქტის არსებობის შემთხვევაში მას აუცილებლად მოჰყვებოდა რეაგირება.

სასამართლოს დისკრედიტაციის მიზნით მსგავს განცხადებებს ძირითადად, პოლიტიკურად ანგაფირებული ადამიანები აკეთებენ ან სასამართლო განხილვაში მონაწილე ის მხარე, რომლის სასურველი გადაწყვეტილებაც ვერ გამოვიდა. თუმცა, ვფიქრობ, რომ სასამართლოს მიერ მიღებული ობიექტური, სამართლიანი და სტაბილური გადაწყვეტილებები მსგავს მოსაზრებებს აბათილებს. როგორც გითხარით, სტატისტიკა ადასტურებს, რომ ჩვენი სასამართლო მოსამართლეების მიერ გამოტანილი გადაწყვეტილებები სამართლიანია და მათი დიდი ნაწილი ზემდგომ ინსტანციაშიც აღარ იცვლება.

**- სასამართლოს საქმიანობის მთავარი შემფასებელი საზოგადოებაა, როგორია თქვენი ინფორმაცია, სარგებლობს ქუთაისის სასამართლო საზოგადოების ნდობით? არსებული ინფორმაციით, სასამართლოს საქმიანობის შესაფასებლად საერთაშორისო ორგანიზაციებმა ჩატარეს სასამართლოს მომხმარებელთა კვლევა, როგორ შეაფასეს მოქალაქეებმა თქვენი საქმიანობა?**

- აბსოლუტურად გეთანხმებით, სწორედ საზოგადოებამ უნდა მოახდინოს სასამართლოს საქმიანობის შეფასება. ქუთაისის საქალაქო სასამართლოში საერთაშორისო ორგანიზაციები სისტემატურად ატარებენ კვლევებს საზოგადოებრივი ნდობის ხარისხის განსაზღვრის მიზნით.

საქმის გადაწყვეტის ვადები, სასამართლოს თანამშრომელთა დამოკიდებულების შეფასება, სასამართლოს მხრიდან ინფორმაციის გაცემის პროცედურების სიმარტივე, მოსამართლეთა პროფესიონალიზმი და სასამართლოსადმი ნდობა - ასეთი ვახლდათ იმ შეკითხვების ზოგიერთი ჩამონათვალი, რომელსაც სასამართლოში მისულმა მოქალაქეებს უსვამდნენ. ყველა პარამეტრის მიხედვით, მდგომარეობა სასამართლოში დადებითად შეფასდა, რაც, საბოლოო ჯამში, სასამართლოსადმი ნდობის გაზრდაში გამოიხატა.

შარშან ჩატარებული კვლევების მიხედვით, გამოკითხულთა 68 პროცენტი ენდობოდა სასამართლოს. სასამართლოს მომხმარებელთა გამოკითხვა ახლახანს - მაისის თვეში ჩატარდა და აღმოჩნდა, რომ სასამართლოს გადაწყვეტილებას სამართლიანად აფასებს და სასამართლოს ენდობა გამოკითხულთა 70 პროცენტი.

აღმოჩნდა, რომ წინა წლებში ჩატარებულ ანალოგიური სახის კვლევებთან შედარებით, სიტუაცია საგრძობლად გაუმჯობესე-

ბულია ყველა მიმართულებით.

გამოკითხვების მიზანი მხოლოდ ციფრების დაფიქსირება არ გახლავთ. ყველა ასეთ კვლევას აქვს ერთი დანიშნულება - სასამართლოებში არსებული სიტუაციის რეალურად დანახვა, მათი ანალიზი და პრობლემის არსებობის შემთხვევაში სიტუაციის გამოსწორებაზე ზრუნვა. როცა სიტუაციას იკვლევ, ეს ნიშნავს, რომ მდგომარეობის შეფასებასა და გაუმჯობესებაზე ზრუნავ.

**- წლების წინ, როცა პირველად ჩატარდა კვლევა, ქუთაისელები თავს არიდებდნენ პასუხის გაცემას შეკითხვებზე, ახლა როგორც ჩანს, სიტუაცია შეიცვალა. როგორ ფიქრობთ, გაიზარდა ქუთაისელების სამართლებრივი განვითარების დონე? მით უმეტეს, თუ ვაჩვენებთ პერიოდს, როცა ქუთაისი "შავი სამყაროს" გავლენის ქვეშ იმყოფებოდა.**

- სამწუხაროდ, მართლაც იყო ასეთი სიტუაცია, ოღონდაც, წლების წინ. ახლა სიტუაცია რადიკალურად შეცვლილია - მოსახლეობის სამართლებრივი თვითშეგნება საოცრად გაიზარდა. მახსოვს, წლების წინ, ძალზე ხშირი შემთხვევები, როცა ბრალდებულები არ აღიარებდნენ დანაშაულს და სამართალდამცველებთან თანამშრომლობას თაკობდნენ; დაზარალებული მოქალაქეები კი, თავიანთ პრობლემებს "ქუჩაში არჩევდნენ". ახლა პირიქითაა. მოსახლეობამ იცის, რომ საკუთარი ინტერესების დასაცავად სასამართლოს, სამართალდამცველ უწყებებს უნდა მიმართოს; მოქალაქეები სამართალდამცველებთან თანამშრომლობენ და დარწმუნებული არიან, რომ მათი პრობლემები სამართლებრივი გზით - სასამართლოში მოგვარდება. ამის დასტურია ის, რომ ბოლო წლებში საგრძნობლად მოიმატა საქმეების რაოდენობამ. მაგალითად, წელს შარშანდელთან შედარებით გაორმაგებულია სასამართლოში შემოსულ საქმეთა რაოდენობა, განსაკუთრებით, სამოქალაქო საქმეები. ეს კი, იმას ნიშნავს, რომ საზოგადოების სამართლებრივი დონე გაიზარდა და მათ აქვთ სასამართლოს ნდობა.

**- საინტერესოა, სამომავლო გეგმები, კიდევ რა სახის სასამართლო სისტემაში?**


- სამომავლო გეგმებთან დაკავშირებით, შემიძლია გითხრა, რომ იგეგმება საქმის წარმოების ელექტრონული პროგრამის ამოქმედება, რაც მოქალაქეებს მეტ კომფორტს შეუქმნის, ხელს შეუწყობს და გაუადვილებს სასამართლოში წარმოებულ საქმეზე დეტალური ინფორმაციის მიღებას.

ნებისმიერ მოქალაქეს შეეძლება მიიღოს მისი საქმის თაობაზე დეტალური ინფორმაცია - რა ეტაპზეა საქმე, რა დამატებითი ინფორმაციაა საჭირო და ა.შ. ანუ, მოქალაქეები თავის საქმის მიმდინარეობის თაობაზე მარტივად მიიღებენ ოპერატიულ ინფორმაციას მოსამართლის თანამშრომელთან და სასამართლოს სხვა თანამშრომლებთან ურთიერთობის გარეშე.



# ქუთაისის სააპელაციო სასამართლომ განაჩინა მსჯავრდებულთა სასიკეთოდ შეცვალა

ქურდული სამყაროს წევრობის, ცეცხლსასროლი იარაღის შექენა-შენახვის, ხელეწილისა და დიდი ოდენობით ნარკოტიკული საშუალებების შექენა-შენახვისათვის ქუთაისის სააპელაციო სასამართლომ 6-კაციანი დანაშაულებრივი ჯგუფი გაასამართლა.



საქმის მასალების მიხედვით, 2010 წლის მარტში, ხონის რაიონში მომხდარი ჩხუბი «ქურდული გარეგნობით» გაგრძელდა. მისი მონაწილეები რუსეთის ფედერაციაში, ქალაქ სარატოვში მცხოვრებ «კანონიერ ქურდ» ნოე ნუღაიას დაუკავშირდნენ, რომელმაც «ქურდული სამყაროს» უფლებელყოფისთვის თემურ ბერძენიშვილის დასჯის დავალება გასცა.

დანაშაულებრივი დაჯგუფების წევრებმა მოილაპარაკეს, რომ ბერძენიშვილს ფიზიკურად გასწორებოდნენ, რითაც «კრიმინალური ავტორიტეტის» დავალებასაც შეასრულებდნენ და «ქურდული სამყაროსადმი» უარყოფითად განწყობილ მოსახლეობასაც დაამინებდნენ. თუმცა, მათი გეგმა ვერ განხორციელდა, რადგანაც, სამართალდამცველებმა გამოაშკარავეს.

ქუთაისის სააპელაციო სასამართლოში საქმის განხილვის პარალელურად, სამტრედიის რაიონულ პროკურატურასა და მსჯავრდებულებს შორის გაფორმდა საპროცესო შეთანხმება აღიარებით ბრალსა და შეთანხმებით სასჯელზე.

საქმის მასალების გაცნობის შემდეგ, სასამართლომ განსასჯელები-

სათვის დადებული მსჯავრი დადასტურებულად ცნო და საპროცესო შეთანხმებით გათვალისწინებული სასჯელი დანაშაულის სიმძიმიდან გამომდინარე სამართლიანად მიიჩნია.

სისხლის სამართლის პალატამ რაიონული სასამართლოს განაჩენი მსჯავრდებულთა სასიკეთოდ შეცვალა. პირველი ინსტანციის სასამართლოს განაჩენით გათვალისწინებული საპატიმრო სასჯელები 4-დან 11 წლამდე შემცირდა, დარჩენილი სასჯელი კი მსჯავრდებულებს პირობითი ჩაეთვალიათ. საბოლოოდ, გიორგი ჩანქსელიანს 3 წლით, მურმან და ზურაბ ნიგოვაცხეებს - 5 წლით, შოთა ჭავჭავაძეს, კობა კაკაურიძესა და დიმიტრი ბულაშვილს 4-4 წლით პატიმრობა მიესაჯათ.

## მკაცრი განაჩენი ორგანიზებულ-დანაშაულებრივი ჯგუფის წევრებს და გამართლებული ბრალდებულები

ქუთაისის საქალაქო სასამართლომ ადამიანის ვატაცების ორგანიზებაში, ცეცხლსასროლი იარაღისა და საბრძოლო მასალის უკანონო შექენა-შენახვა-გადაზიდვასა და ნარკოტიკული საშუალებების უკანონო შექენა-შენახვაში ბრალდებულები გაასამართლა. სასამართლომ ჯგუფური დანაშაულებრივი 4 პირი მკაცრი განაჩენი გამოუტანა.



საქმის მასალების მიხედვით, კ.მ. ჯგუფის მეორე წევრ დ.ბ.-ს ქუთაისელი მენარმის ვატაცების მიზნით დაუკავშირდა. ავთანდილ გაბადაძის ვატაცების ორგანიზებისა და ჯგუფის საბრძოლო მასალით შეიარაღების მიზნით, მათ გემის მომზადებაში ჩართეს კიდევ ორი პირი - კ.მ. და გ.ს.

ხელთამანი, თოკი და ნებოვანი ლენტხი - "სკოჩი." ჯგუფის მესამე წევრი ბ.ე. კი, პოლიციამ ქუთაისში დააკავა. გ.ს. კი, რომელიც დაუსწრებლად გასამართლდა, ამჟამად ძებნილია.

ორგანიზებულ-დანაშაულებრივი დაჯგუფების წევრთა საქმე ქუთაისის საქალაქო სასამართლომ განიხილა და არ გაიზიარა ბრალდებულებისა და მათი ადვოკატების მოთხოვნა განსასჯე-

ლების უდანაშაულოდ ცნობის შესახებ. საქმეში არსებული ავტომანქანებისა და პირადი ჩხრეკის ოქმებით, ექსპერტის დასკვნებითა და მონემთა ჩვენებებით სასამართლომ ბრალდებულთა მიერ დანაშაულის ჩადენა დადასტურებულად ცნო.

"სასამართლო ვერ გაიზიარებს ბრალდებულების ვერსიას მათი უდანაშაულოდ ცნობის შესახებ, რადგან გარდა იმისა, რომ იგი ვერ დასტურდება საქმეში არსებული სხვა მტკიცებულებებით, მათთან წინააღმდეგობაშიც მოდის. რაც აშკარაა ბრალდებულების განზრახვას, მოგონილი ვერსიით თავი აარიდონ მოსალოდნელ სისხლის სამართლებრივ პასუხისმგებლობას," - ნათქვამია განაჩენის სამოტივაციო ნაწილში.

ქუთაისის საქალაქო სასამართლომ ორგანიზებული-დანაშაულებრივი ჯგუფის წევრებს მკაცრი განაჩენი გამოუტანა - კ.მ.-ს - 29 წლით, დ.ბ.-ს - 26 წლით, ბ.ე.-ს - 25 წლით, გ.ს.-ს კი 18 წლის ვადით თავისუფლების აღკვეთა მიესაჯათ.

ქუთაისის საქალაქო სასამართლომ კიდევ ერთი საქმე განიხილა, თუმცა ამ შემთხვევაში, გამამართლებელი განაჩენი გამოუტანა - თვითნებურ ქმედება-

ში ბრალდებული უდანაშაულოდ ცნო. ზურაბ ბაღდაროვს ბრალი თანასოფრელ ნანა ჯ.-ს ოჯახიდან საყოფაცხოვრებო ნივთების თვითნებურად წაღებაში ედება.

გამოძიების მასალების მიხედვით, ნანა ჯ.-მ ბრალდებულის კუთვნილი სასურსათო მალაზიიდან აღებული პროდუქტის ვალის - 114 ლარის გადახდა დაავიანა. სწორედ ამ ვალის ნაცვლად ნაილო ზურაბ ბაღდაროვმა ნანა ჯ.-ს სახლიდან ტელევიზორი და დედ მაგნიტოფონი. ოჯახის დისახლისის პოლიციამ ჩივილის შემდეგ ბაღდაროვის წინააღმდეგ სისხლის სამართლის საქმე აღიძრა.

ქუთაისის საქალაქო სასამართლომ მონემთა ჩვენებებსა და საქმის სხვა მასალებზე დაყრდნობით დაადგინა, რომ ბრალდებულს თვითნებური ქმედება არ ჩაუდენია. ნანა ჯ.-ს მუხლზე გურამ შ.-მ სასამართლოზე დაადასტურა, რომ ბაღდაროვს მისი სახლიდან საყოფაცხოვრებო ნივთები ძალადობით არ წაუღია - ისინი შეთანხმებული იყვნენ, რომ ვალის გასტუმრების შემდეგ ნივთებს დაბრუნებდნენ.

სასამართლომ ზურაბ ბაღდაროვს ბრალდება მოუხსნა და იგი უდანაშაულოდ ცნო.

## შემცირებული სასჯელები

ქუთაისის სააპელაციო სასამართლოს განაჩენით, თალთაბისათვის მსჯავრდებულ ზ.რ.-ს სასჯელი 30-დან 6 წლამდე შემცირდა. გადაწყვეტილების საფუძველი გახდა მსჯავრდებულის დაცვისა და ბრალდების მხარეებს შორის გაფორმებული საპროცესო შეთანხმება.

ტანილი სასჯელი 4 მსჯავრდებულს შემცირდა. კ.გ.-ს, ზ.ჭ.-ს, ნ.შ.-სა და გ.უ.-ს. მათ მსჯავრი ხე-ბუჩქნარის უკანონო გაჩეხვის, ქურდობის, ყალბი საანგარიშ-სწორებო ბარათის დამზადება-გასაღებისთვის დაედო.

საქმის მასალების მიხედვით, დანაშაულებრივი ჯგუფის წევრებმა მესტიის რაიონში უკანონოდ გაჩეხეს 45,47 კუბური მეტრი ხე-ტყის მასალა, რისი გადამუშავების შედეგად გარემოსთვის მიყენებული ზიანი 9.541 ლარად შეფასდა.

ზუგდიდის რაიონულმა სასამართლომ კ.გ.-სა და ზ.ჭ.-ს 7-7 წლით, გ.უ.-ს 10 წლით, ნ.შ.-ს 8 წლითა და ექვსი თვით თავისუფლების აღკვეთა მოუსაჯა.

პირველი ინსტანციის სასამართლოს განაჩენი ქუთაისის სააპელაციო სასამართლოში მსჯავრდებულების სასიკეთოდ შეიცვალა. სისხლის სამართლის პალატამ დაამტკიცა დაცვის მხარესა და სამეგრელო-ზემო სვანეთის საოლქო პროკურატურის შორის დადებული საპროცესო შეთანხმება. თითოეულ მსჯავრდებულს საპატიმრო სასჯელი 6-6 წლით შემცირდა. სასამართლომ მათ დამატებითი მსჯავრის სახით სახელმწიფოს სასარგებლოდ ჯარიმების გადახდა დააკისრა.

ქუთაისის სააპელაციო სასამართლომ მსჯავრდებულების სასიკეთოდ რაიონული სასამართლოს კიდევ ერთი განაჩენი შეცვალა. აბ.-სა და მბ.-ს 9-

წლიანი საპატიმრო მსჯავრი ჯგუფურად, დიდი ოდენობით ქრთამის აღებისთვის დაედო. აღნიშნული დანაშაული მსჯავრდებულმა მსხვილ გადაზიდვითა ინსპექციის გადასახდების ადმინისტრირების სამმართველოს ბათუმის განყოფილებაში მუშაობისას ჩაიდინეს. შპს «ურეში» სასაქონლო-მატერიალურ ფასულობათა ინვენტარიზაციის დროს სარევიზიო ჯგუფმა მთელი რიგი დარღვევები აღმოაჩინა. ა.ბ. და მ.ბ. შპს-ს დამფუძნებლებს ე.წ. «სუფთა ექტის» შედგენის სამაგიეროდ ქრთამზე გაურჩიდნენ.

მსჯავრდებულთა აღიარებით ჩვენებებისა და საქმეში არსებული უტყუარი მტკიცებულებების გაცნობის შემდეგ ქუთაისის სააპელაციო სასამართლომ პირველი ინსტანციის სასამართლოს მიერ გამოტანილი განაჩენი დადასტურებულად მიიჩნია.

სააპელაციო პალატამ დაადგინა, რომ დაცვისა და ბრალდების მხარეებს შორის საპროცესო შეთანხმება დადებული იყო კანონის მოთხოვნათა სრული დაცვით. გარდა ამისა, დანაშაულის სიმძიმისა და ბრალდებულების ხარისხიდან გამომდინარე, შეთანხმებით გათვალისწინებული სასჯელის ზომისა და სახე სამართლიანად მიიჩნია.

სააპელაციო სასამართლომ გამოიყენა სს კოდექსის 55-ე მუხლით მინიჭებული უფლება და მსჯავრდებულებს კანონით გათვალისწინებულზე მსუბუ-

ქი სასჯელი დაუნიშნა. ა.ბ.-სა და მ.ბ.-ს 5-5 წლით თავისუფლების აღკვეთა მიესაჯათ, საიდანაც 3 წელი პირობითად ჩათვალათ.


ქუთაისის სააპელაციო სასამართლოს განაჩენით, მსჯავრდებულს სასჯელი 5 წლით შემცირდა. არა ერთხელ ჩადენილი ქურდობისათვის 10-წლიანი პატიმრობა ი.მ.-ს ჩოხატაურის რაიონულმა სასამართლომ მოუსაჯა.

საქმის მასალების გაცნობის შემდეგ ქუთაისის სააპელაციო სასამართლოს სისხლის სამართლის პალატამ დაადგინა, რომ ი.მ.-ს მიერ ჩადენილი ქურდობის ორი ეპიზოდი რაიონული სასამართლოს მიერ არასწორად იქნა დაკვალიფიცირებული ორჯერ, ერთი და იმავე მუხლის შესაბამისი ნაწილებით. სასჯელის განსაზღვრისას პირველი ინსტანციის სასამართლომ იხელმძღვანელა საქართველოს სს კოდექსში 2007 წლის 4 ივლისის კანონის თანახმად შესული ცვლილებით, რომლის მიხედვით, არაერთგზის ჩადენილი დანაშაული

ნიშნავს პირის მიერ კოდექსის იმავე მუხლით გათვალისწინებული დანაშაულის ჩადენას.

«2007 წლის 4 ივლისის კანონის დათქმის თანახმად, კანონის პირველი ნაწილის მოქმედება არ ვრცელდება ამ კანონის ამოქმედებამდე ჩადენილ ქმედებებზე. გარდა იმ შემთხვევისა, როცა პირმა ბოლო ქმედება ჩაიდინა კანონის ამოქმედების შემდეგ. ი. მ.-მ დანაშაულის ორივე ეპიზოდი ჩაიდინა 2006 წლის ივლისში. ამრიგად, მას დანაშაულებრივი ქმედებები ჩადენილი აქვს 2007 წლის 2 აგვისტომდე, ე.ი. კანონის ამოქმედებამდე.» - ასე განმარტა სააპელაციო სასამართლომ რაიონული სასამართლოს განაჩენი შეტანილი ცვლილება თავის გადაწყვეტილების სამოტივაციო ნაწილში.

ქუთაისის სააპელაციო სასამართლომ ი.მ.-ს მიერ ჩადენილი დანაშაულის ორი ეპიზოდი ერთი მუხლით დააკვალიფიცირა და მსჯავრდებულს სასჯელი 5 წლით შემცირდა.



**ჩანართი მომზადებულია პროექტის "სასამართლო ხელისუფლების მხარდაჭერა" ფარგლებში, რომელსაც ახორციელებს გაეროს განვითარების პროგრამა (UNDP).  
გამოცემაში გამოთქმული მოსაზრებები ეკუთვნის მათ ავტორებს და შესაძლოა არ ემთხვეოდეს გაეროს განვითარების პროგრამის (UNDP) მოსაზრებებს.**